

յԱսորիս՝ ձեռնադրեաց 'ի վիճակի նորին զՊաւլինիանոս զեղրայրն Հերոնիմոսի Լատին վարդապետի թարգմանչի Ս . Գրոց , առանց գիտութեան Յովհաննու 'ի քահանայ . առաւել եւս զԺուարեցաւ Յովհանն , որով և սաստկացաւ վէճն : Տե՛ս Վարձ Բրքոց . Հատ . Բ . 458 :

Եւ ինքն Յովհաննէս առնէր բարեկարգութիւնս 'ի շինութիւն եկեղեցւոյ . գրեաց զանազան թուղթս լի իմաստութեամբ յարեւելս եւ յարեւմուտս : Առաջիկայ դտաւ հանդիսի թաղման սրբուհւոյն Պաւլայի Հռոմայեցւոյ վախճանեւոյ յերուսաղէմ : Սա էր ազնուատոհմ այրի Հռոմայեցի , թողեալ զամենայն ինչս գնաց յերուսաղէմ , և բընակեցաւ 'ի վանս Բեթղեհէմի զամս 28 . վախճանեցաւ 57 ամաց (407) եւ թաղեցաւ անդ , եւ դուստր նորին եւսթաքիոս կուսան՝ կեցեալ սրբութեամբ անդ կնքեաց և նա զլեանս իւր և եղաւ առ մօր իւրում , և զվարս նոցա Հերոնիմոս գրեաց մեծաւ դովութեամբ , զորոց գերեզմանս ցուցանեն Լատինք անդ 'ի վանս իւրեանց 'ի ստորերկրեայ յայրի , ուր են գերեզմանք Հերոնիմոսի եւ այլոց :

Յովհաննէս հայրապետ կրկին անգամ դումարեաց ժողով եսիսկոպոսաց յերուսաղէմ եւ 'ի Դիոսպոլիս , այն է Լիւբիա 'ի քննել զաղանդս Պեղագիտոսի Բրիտանացւոյ , որ եկեալ էր սերմանել 'ի Պաղեստին . այլ իբրեւ ազգ արար Օգոստինոս Արիւիոյ նամակաւ Յովհաննու զկեղծաւոր բարս առնն , հալածեցաւ 'ի վիճակէ նորին , (416) :

Արդ՝ զինի քարկոծման և ննջման սրբոյն Ստեփաննոսի Նախավկային , բարձեալ զսլատուական մարմին նորա Գամաղիէլ վարդապետն Պօղոսի ըստ ոմանց՝ և նորուն իսկ Ստեփաննոսի եւ եղբայրն Գամաղիէլի Նիկողիմոս՝ 'ի ծածուկ աշակերտ Յիսուսի՝ թաղեալ էին յազարակի իւրեանց . և ինքեանք եւս 'ի մեռանելն իւրեանց՝ թաղեցան մերձ սրբոյն Ստեփաննոսի Նախավկային Գրիստոսի , որպէս և որդին Գամաղիէլի Սքիբաս զպիր . և 'ի Ժամանակիս յայսմիկ յայտնեցան նշխարք ամենեցունց սոցա 'ի ձեռն Դուկիանոսի երիցու . և Յովհաննէս հայրապետն երուսաղէմի փոխադրեաց զայն 'ի Ս . Սիօն , ուր ձեռնադրեալ էր նա ինքն Ս . Ստեփաննոս սարկաւազ : Եւ յեա սուղ ինչ